

山林經濟
四

8038
3843
v.4

BERKELEY
LIBRARY
UNIVERSITY OF
CALIFORNIA

Carpentier

增補山林經濟卷之六目錄

治圃

雜法 畦種法 區種法 芽種法 種菜吉日
 西菰 甜菰 黃菰 冬菰 菰 大菰 蘆種法

南菰 蔓 蔥 紫蔥 大蒜 韭 薤 芋 茄 芹
 紫蘿菰 蔓菁 芥 菹菜 蒿 苣 白菜 菠薐 芹

冬葵 艾芥 牛蒡 滴露 當歸 雞冠草 南椒 藜荷
 熊蔬 冬蔬 首蓿 當歸 羊蹄 蓴 木頭菜

紫蘿 烏芋 莞草 蒼蓬 薺 葶藶 葶藶
 荊芥 香薺 絲菜 薄荷 桔梗 苧麻 術 茴香

五加木苗 竹笋 山野菜品 薺 馬薺 苦菜 苣
 蕤花 蕤 薇 蕤 蓼 小蓀 野蓀 石菜 紫薺
 苦蔞 水蕤 薺 香薺 酸漿草 西土里 石蓴

松茸 童葵蔬 清兒菜 紫芥 種藥 採藥法
 松茸 蕤 生薺 菌法 黃精

天門冬 麥門冬 地黃 枸杞 何首烏 薯蕷
 覆盆子 石菖蒲 芡 百合 五加皮 地榆

五味子 仙靈脾 蛇床子 決明子
 防風 苦蕒 罌粟殼

目録

資用品類

烟草
紅花
藍
龍
紫草
茵草
菱莞
要香草
大霞
菰

雜藥類

一百一十一種

攝生

總論五條
養心性八條

省嗜慾十二條

慎起居
修鍊要約五條
節飲食九條

保身體二十四條

服食諸方

召藥法九條
班龍丸
鐵液服法
諸藥方三十條
諸方十條

種德八條

懲惡

增補山林經濟卷之六

治圃

農家偏遠城市肉味難登鼎俎且山野生理咬菜又是分
內事宜就所居左右作圃種蔬以資日用

雜法○二月春分種諸蔬菜而宜畦種者宜區種○凡種菜者不
用口中援言啖餘者必先憐曝其子紙裹記名藏之篋中勿致
泥損可也臨種用鰾魚鰾魚甜煎水沅菜子數日種之免虫食
葉鰾魚乾儲凡芥類截去兩頭只取腰中子種之好○凡菜有虫用
苦蔘石灰水潑之立死○凡香菜常以魚腥水或以米泔水澆
之則香而茂用糞澆之不香○生菜種不拘時纔盡即下種亦

便出諺云生菜不離園以不時而出也○凡治圃之地宜良不
宜薄如薄則糞之鋤不厭頻早則灌之灌宜晨夕○園圃四旁種決
明草則蛇不敢入○圃中切忌投死蛇及尸氣又忌觸麝香氣
芥類必不結子

畦種法○地長丈餘廣三尺

不必拘此長廣

先種數日斲起宿土雜以蒿

草火燎之以絕虫類併得為糞臨種益以他糞治畦種之

區種法○區深廣可一尺許臨種以熟糞和土拌勻納於區中候

苗出視稀密去留之○又法六月雨後種菜豆八月中犁掩殺

之又一轉即十月終種芥率兩步為一區坑大如盆口深五寸

以土壅其畔如菜畦形坑底必令平正以足踏之令其保澤種

子十枚以糞五升覆之又以上一斗薄撒糞上復足微蹠之冬月大雪時速併力推雪于坑上滿大堆至春草生芥亦生莖葉肥茂異于常者且常潤澤旱亦無害五月芥便熟

芽種法○將種子先用淘淨頓盆中覆以濕草三日後芽生長可指許然後下種先于熟畦內以水洗濕之勻布芽種復篩細糞土覆之以防日傷此法菜既齊出草又不生

種菜吉日○宜庚寅辛卯壬辰癸巳戊寅壬戌又宜戌戌日忌風

旬日乙秋社前逢庚至社後共十日為風旬遇西風及北焦日忌澆

西苑時○宜沙地或云沙石肥剛之地四月立夏前三四日作坑廣大沙土與熟糞

和填下種四五枚或云先以燒酒浸芥子取出拌灰一宿種之出四葉壅培根如

此四五度結實繁大○多鋤則饒子摘去餘花則茄肥大蔓長六七尺摘其頂心令四傍生蔓性畏香麝觸之一顆不收○出自回紇故名以西茄種類亦多而以皮青子黑瓢如臘脂者為上品要類大用接莖法考種○仁可薦茶取油皮可蜜煎醬醃又治煩渴暑毒口瘡血痢利小便○延酒氣及糯米易爛貓踏其瓢便破○種宜戊辰日

甜茄甜茄○種宜黃土三月用鹽水洗子取燂過糞土種之俗方立夏前三

四日仍將洗子鹽水洗之候移秧時摘去蔓心再用糞土壅培

根下○引蔓時只留餘亂枝皆摘去又除密葉日照通風則多結易熟但所結卧地則易腐尤甚者以乾土或瓦石鋪底○

甜菜多類而以及肉青絲或有金華或有蛙文體小者為佳品
取腰中子種之沈水及兩蒂兩鼻者殺人功用略與西瓜同而
不可多食患癰癰脚氣人尤忌之食菜多過但飲酒即消與鹽
同食霍亂○種宜甲子乙丑庚子壬寅乙卯辛巳日又宜黃道
開成日

黃菜

外或稱胡菜

○種宜日上同宜向陽肥地又云新受風處多結子

二月上旬為上時三月上旬次之四月上旬又次之蓋菜畏霜
三月間無霜氣始可種之以水洗淨菜子和鹽必許以鋤耨却
乾土坑大如斗納菜子大蓋各四五箇於坑中之傍蓋菜子弱
依大蓋為之起土放也生數葉後摘去蓋苗若拔之使土虛燥

塞灰根下兩日後以土培根永無虫若有蟻則以骨之有髓者
置於窠左右待蟻多附而棄之如此頻則蟻自無矣○俗法掘
坑如斗大納熟糞數升薄覆細土寸許種芥子十餘箇於四傍
又以細土覆之稍高突上桺木等標記之待拖蔓尺許加糞根
下旺茂○凡芥蔓以土壅培其節則生新根而轉盛又待苗大
發時以大麥一粒納根附間則結子碩大而久○凡芥早爛者
摘時脚踏翻動其蔓故也敬理慎護則至霜降葉乾子乃盡如
此不必別種晚芥也○大暑種晚芥以供冬歲凡芥自春先後
栽種次次可用○作架布簾索細網于其上引芥蔓上之則結
子垂下離離可玩○凡芥最忌麝香芥邊栽薤蒜遇麝不損○

菰有毒不可多食能發百病虛熱上逆小兒尤忌○有小如桃

拔者早結俗稱藉田菰又有形長大而皮光滑者俗稱尺菰可

沈冬菰

有人種菰三十本緣於籬待結子每日每本摘下一子經夏足供六七口之饌至秋不乏

冬菰

或稱白冬菰

○傍墻陰地作區圓二尺深五寸以熟糞及

土相和待三月無霜氣下種既生以柴木倚墻令其緣上旱則

澆之八月斷其梢一本但存五六枚霜足水之早收則爛正月

晦日著牛糞種十月或區種如種黃菰勝春種者

春間生芽或有非時霜冷

須覆之

○其蒂彎曲貼肉者是子可留做種○收藏宜乾煖處安

頓忌鹽醋掃帚貓糞○冬菰內置芥子至春不壞以石灰糝之

不爛○熱人食之佳冷人食之瘦要肥勿食其子取仁作面脂

瓠

二月下旬天晴日中種之

霜

畏宜性剛肥地區種蠶砂生

牛糞和土合中半著坑中足隔令堅水沃候水乾即下種結實
多堅或地薄或下濕大肥之地則子多軟只堪食而不中於器
用初生二三子不佳去之取勞四五六子區留三子即足旱則
澆坑畔令其透潤不得坑中下水○又法苗長寸許乘雨帶土
分栽每一次一藤每晨澆以清糞水以熟糞隨長隨培蔓長過
五丈餘便掐去結子之外子大度可作瓢以手摩皮去毛則不
復長且厚八月微霜下後斷之○牛踐苗則子細燒稷黍則死
麻油菜豆點爛草與糞土
隔層布區種時坑中則良○延蔓上茅屋則致屋漏上瓦屋則

其實曝損卧蔓地上則實不堅宜上籬落間或令緣柴相待結

實以藁圈承護則圓正善堅

大葫蘆種法○正月中掘地作坑方深各四五尺實填油麻菜豆
葉爛草等一重糞土一重如此五六重向上一尺餘看糞土填
之至二月每坑只種十餘顆子待生後揀取四莖肥好者每兩
莖以竹刀各刮去半邊皮以麻皮或葛皮纏住以牛糞黃泥封
之一如接樹法覆之待過四五日相着後各除一頭又取兩頭
莖相着如前法待活後惟留一莖便是四根作一莖矣雖五六
根作一
莖亦待結葫蘆取并四五次結者留之餘並除去之則葫蘆極
好矣
大一箇可盛一擔米○葫蘆傍種金紅大莧俗稱唐
川莧待葫蘆引
蔓到兩皮合接以麻葉裹之不可動撓則結時俱是紅葫蘆甚

瓠○小瓠初結時以盂置其下以物壓之則成盂形外亦可
○大葫蘆不去瓢完乾繫人腰足可浮涉江湖免於沈溺矣凡
瓠之味甘者益人味苦者有毒令人吐不止黍稷灰汁解之
南菰豆○種後種法與瓠同霜後黃大不損者置室中可留至春
○有補中益氣之功而多食發脚氣

蓬○宜甲子乙丑辛未壬申壬午辛卯癸巳日宜肥細地又宜
白沙地少和熟糞又開川黑沙為上耕欲深掩土欲厚二三寸
清明後三日可種以蠶矢腐草糞灰或糞下土牛糞厚培之澆
水待芽發後摘出母蓬而用之作棚蔽日或畦南種草麻子或
柶蘆以取蔭蔽日類以牛糞浸水澆之凡蓬性不耐寒熱霜降

後刈莖又以肥土極厚覆之地欲凍乃採埋藏因邊或土字中

多用糠粃木花核厚覆之又作穴通塞之八九月水之九月亦可○秋

社後新芽如指食之又取薑鬚軟者醃醋或沉菹○薑芽始生

隨長隨培至數寸許作筍佳○薑性畏濕其田耕不厭細耘不

厭數或掘方丈地納細沙如糞種之則可供一年用○秋後造粉儲之○薑久服去臭

氣通神明故聖人食之不輟而不多食忌夜食八九月多食至

春患眼損壽減筋力

葱○種宜甲子辛未巳卯甲申辛巳辛酉日八月下旬以地作畦

用糞灰拌子種之七月種至來年正月一日移栽栽時去冗鬚

微晒乾疎行密排以鷄糞壅培俗法秋種葱十月初剪去葉翻

生紫葱種至又法八月末旬將兒糞去淨種之以猪鷄鴨糞和
芒種收子

粗糠壅之○二月將葱子與炒粟米相和下之乃均輕曳撈覆
土上布糞灰○芒種收子必薄布陰乾勿令鬱滯不生○有四
季葱栽不拘時種法上同○燒葱同蜜食殺人忌合棗或犬雉
肉食又冬月不可食又多食昏人神然能殺魚肉毒不可闕食
品之中

紫葱○十月作畦種之略鋪馬糞於其上至明年五月採乾為種
關西及湖南人七月墜日種之而每年易田以種○久食損神
多忘損目發痼疾狐臭人尤不可食

亦藟類八月種明年五上

月收種法略同疑
紫葱之類耶當考

大蒜叶巨或曰葫蒜

○宜種戊辰辛未戊申丙子壬辰癸巳辛丑日宜肥

軟地又宜白軟地其次黑軟地若剛強之地辛辣科小八月初

旬一曰九月寒露種之早寒之歲八月望亦可熟耕地三次鋤成溝壟隔二寸一窠

以草鞋浸於小便將種包在內挾糞土栽之上糞令厚其大如

碗○候苗出雖無草必頻鋤鬆根傍土以糞水澆之蘆出拔去

則辦大○收蒜中子種者一年為獨辦二年為大蒜九月初種

栽蒜辦冬寒取穀稈厚覆之不再凍死二月間犁地數次多布

糞以木釘竅地一穴移栽一株旱以水澆○五月夏至採蒜早

收則皮赤科堅晚收則皮齟易碎沉醋經年不變○食之損性

昏神傷目多食發早白能治暑毒薑棗食之能解蒜臭氣

韭早利○韭懶人菜也不必歲種性宜陰濕地壅宜鷄猪糞洗好洗

生魚水二月下旬撒子九月分栽十月將稻草灰蓋三寸許又以薄土蓋之則灰不被風吹春初芽先生灰地可取食二月終芽長成菜以菜割取田根常留分栽不須子種高三寸便剪收子者一剪則留之○韭根多年交結則不茂八月別作畦分栽栽時摘去老根微留嫩根一歲三四剪之其根不傷至冬壅培以馬糞先春復生世稱美菜曰春韭夏菹○正月上辛日下水加糞剪時忌日中剪數日後長如故俗稱情鈍菜○春香補血夏臭破血人宜常食而臭忌養性忌與蜜共食

雞旦○葉似韭而濶多白無實雖辛而不葷五臟故道家常餌之

種宜軟白良地二三月或八九月或曰種不拘時熟耕地三五
遍燥焙而種之壟燥則壟肥率一尺一本而每以七八枝為一
切去強根則肥葉生頻鋤凡韭薤去冗鬚微晒疎竹密栽○三
四月食之害人與牛肉同食作癰瘕

芋

鄉名土芋或稱
土蓮又稱土芝

○種宜壬申壬午壬戌辛巳戊申庚子辛卯日

十月揀芋種圓長尖白者就向陽地掘坑厚布糠粃於坑底將
種埋於其中又以土厚掩之多積稻草於上使免凍損至三月
間取出種肥地而芋必向上待苗發三四葉約高四五寸五月
擇近水肥地移栽而或用河泥糞灰爛草培壅旱則澆之鋤宜
頻○宜肥黑軟濕地尤好鋤露晨或雨後令根傍虛則芋大子

多八月芋苗正旺時鋤開根邊土却工肥泥壅根又燔灰其稈

築則力回於根愈肥大矣凡種芋之地眾人往來眼目多見聞

刷鍋聲多不孳生故曰芋著三月惡人見又法三月治畦種芋不致被裁待苗高半

尺許斷根○畦種則二月往雨下種率二尺一本生根深斫其

傍以緩其土旱澆鋤頻其收倍常○泥勝之區種芋法二三月

作區方深皆三尺許取豆箕納區中踐踏之其厚一尺五寸又

取區上濕土和糞納區中箕上如箕厚水澆足踐令保擇肥大

芋種每區以五箇置四角及中央再以糞土覆之旱則數澆箕

爛芋生子皆長三尺一區可收三石○芋是救荒上品蓄力多

種之嫩莖軟葉隨時取用多食動宿冷難尅化滯氣困脾濕紙

忌曝熟噉之蒸氣充饑有風疾服風藥者最忌殺人

茄升○二月下旬天晴日中種之五月中旬結實春秋前亦可種而茄畏霜待三月間無霜氣而種之○清明時與稻種同浸治畦種之長三四寸者四五葉因雨合泥移栽每日早以清糞水澆之栽宜稀○茄性喜水常須潤澤初移若旱澆之又以物覆蓋之根下有黑虫盡斲莖葉朝暮須勤捉之開花時摘去盛葉以灰圍根結子多○移栽時以小竹簽刺開根莖相接處納硫黃一皂子許仍以泥培之結子倍多其子如蠶味甘而益人○嫁茄法開花時取葉布過路以灰圍之結子加倍○水茄子有紅白二種佳可取種九月取頭結子截去兩頭取腰中子水淘

淨取泥者晒乾水燥處秋後連根株拔去乾之春作秧糞茄子
無水者宜於泥醬以爐灰藏之可至明年四五月○種茄宜籌
實虛則風入難活根下有浮土恐雨賤泥汚葉則萎而不茂宜
天晴鋤之一區一根種茂十區則夏月足供鹽蔬秋收其餘作
菹凡旺茄一根得子可一石水茄子摘下投水良久取食則便咸水氣○十月區種
如茄亦好○多食動氣發痼疾女人傷子宮久冷人忌多食秋
後多食損目

芥即汁○宜種近宅汚池中又擇足水處作苗種之二月如糞種
芥宜密使不抽傍枝七八月間又拔其根而更種生芥以備冬
菹蓋水芥不如田芥之宜人○挑阿黑俗稱亦種芥苗一邊性

寒養神益力殺藥毒置酒漿中香美然和醋食損齒誤食葉下
出蛭大為人患三八月龍帶精入芥田誤食成瘕一曰蛇喜食
芥非龍也

蘿菔

以早或稱菜
藤或稱蘆菔

○宜肥良軟鬆沙地地瘠用糞耕治三四遍

或五
六遍

揀去尾礫

二月上旬撒種三月中旬可食五月上旬撒種

六月中旬可食又曰六月撒種七月亦可若有陳子過立夏即
種至五月盡根大如拳又曰六月六日種又曰小暑種之七夕
以後亦種之又曰月月可種月月可食蓋欲藏冬根宜早種屢
經霜乃採欲沉冬菹差晚種之一經霜便採則莖葉俱軟矣○
疎下其種稠則根小莖去之多鋤良撒種後以灰糞蓋之旱則

頻澆若帶露耙地則生虫或撒種於木綿田佳或雜蕎麥耕之

則兩得○十月採根去葉納土窖中自生黃芽旋旋取作菜食

之佳若要過冬截去根下尾只留半寸許削平根頭莖生處不

至傷皮又以熱鐵烙其上投窖中則至春芽不生而根肉不虛

如新採者二月出窖藏完根種肥地至五六月取子取子後連根乾置患

淋人水煎多服要○有根紅者品劣只合作羹又有羅州種根絕大軟

多水宜蘊不宜烹食○性冷生食善下氣制豆腐麵毒治熏烟

死服地黃人忌食

蔓菁

冠早子或稱蕪菁

○肥地故墟良碑耕六七遍六月撒種七月或墜

後亦可種時以鰻鱺煎汁或乾煮汁浸其子晒乾種之無虫蔓菁子

陳者良以灰為糞令厚一寸多則慘不生○自處暑至白露皆可種蓋六月種者根雖大葉復蠶食七月末者葉雖膏潤根復細故七月初種根葉俱得○春食苗夏食心薑也秋食莖冬食根數口之家能蒔數百本亦可終歲足蔬每根三石當米一石武侯駐軍時常令種之○擬作乾菜者剉訖則尋手擇治辦之勿待萎不然則爛掛屋下風涼處勿令烟熏味苦待乾積置苦蓋可免滋積時宜天陰葉少潤否則碎○春種收子與蘿菔同收子打油入饌燃燈甚明以麻易種多收其油用時熬動必糝芝麻煉熟即與真油無異○多食動氣然甚益人其子入延生方且治青盲其油塗頭治蒜髮其花陰乾治小兒疳瘡妙

芥刊冬或稱火

○春初薅耕後十餘日種至五月收子更種於七月分

留其子至明春種之○七夕後或七八月種於肥地則莖大類

用糞水澆之忌澆西風九焦日○芥子以黃大者為佳紫黑而

細者品劣新收子曰晡夜露七八月則作汁不苦又法冷水浸

四五日則水自起沫未及生芽便瀉出晡收有一種俗稱春

種窖藏根夏收子秋初種之秋末天有霜氣便取葉泥作冬菹

取根納窖冬間春初薄削造淡菹二日便熟味極辛爽留餘根

春種取子此芥秋種者但有葉無心○子多食昏目動火泄氣傷精煮食動

氣亦多藥用

菘菜刊○宜早濕地二月上旬撒種三月中旬可食五月上旬撒

種六月中旬可食種後以糞灰蓋之頻頻澆之秋種宜七夕後
○唐種尤佳凡夏耘種莢菜○種根收子與蘿菔同○性冷治
熱多食發皮膚風癢痒夏至前發氣動疾有通利腸胃除煩解
酒毒之功可常食發冷病惟生薑可解○子取油塗頭長髮塗
刀劍不銹

蒿苣科○白莖葉廣者佳色紫葉狹者劣葉筍俱夏秋食尤佳
○二三月間與芥子或與葵並種至六月收子更種於七月○
八月下種待長治畦分栽來年摘取隨洗中心肥大即蒿筍○
秋社前一二日種者霜降後可滿菴菜○微毒多益人然患冷
人及產婦不可多食此草百虫不敢近蛇觸之目瞑○紫蒿苣

和好黃土搗作器火煨如銅

白菜

叶

○井邊早濕處種之蔓延盛蕃莖軟多水煮作羹茹炙食

亦佳○七八月撒子種之九月治畦分栽時時澆之遇西風九

焦日不可澆○性平無毒

菠薐

叶

○宜肥地鬆土正二月種者多出不如七八月種者水

浸子二三日者殼軟控乾濕地以盆蓋合候生芽治地極細然

後下子仍以馬糞蓋之既長不可用糞澆○初種時務要過月

朔乃生假如初二三日者與廿六七日種者皆過來月初一日

方生驗之信然○春月嫩薑甚美薑漸老經沸湯晒乾備用可

久食四時可用之菜也宜豆腐八九月種者備冬食○性冷通

腸胃熱解酒毒多食令脚弱

冬葵叶○臨種必燥曝其子地不厭良故墟弥善薄則糞之春必

畦種生三葉然後晨夕澆之○早種者必秋耕十月末地將凍

撒子種之正月未得足踏之乃佳地釋即生鋤不厭數五月初更

種之以接秋葵六月一日或云種白莖秋葵白莖者宜乾紫莖者乾則黑莖秋葵堪

食仍留五月種者取子春葵則子熟不均于此時附地剪却春葵其根

上耕生者柔軟至好美於秋葵八月半剪去秋葵枝多則去地一二寸獨莖

則去地四寸地耕生肥嫩待霜降收之高與人膝平莖葉皆美其不剪

則高數尺莖葉堅硬不中於食其碎者割訖即地中尋手亂之以穰草覆蓋蓋經

年收子謂之冬葵子入藥凡葵當夏有子難食○治臟腑寒熱

利小便霜後不可多食天行病後食之頓喪目惟鯽魚臠解之

艾芥炒○宜肥地三月種之五月收子七八月種子尤美

牛蒡명○宜肥地二月末下子八月取根食若取子即須留隔年

方有子葉作菜明目補中去風久服輕身耐老煮莖葉釀酒良

蒟露

或稱甘露

○宜白地延陰處區種三月下種九月採根蔓生後以

土掩蔓則節節生如瑩白可愛與蘿菔同泥為冬菹好○暑月

蓋以麥糠承露滋胤○冬初用土厚覆其根則至春復生或採

作窖藏至春種之

鷄冠草

나인드

○坐種則矮立種則與人齊手種則花成穗用簍箕

扇子種則其花成尾可玩不堪作菜只用於染蔬汁其子名青

箱子治青盲

亦有花白者

南椒

叫立或稱南蠻椒

○宜燥土二月下種四五月間遇雨移栽種當風

處則多實又有實形短促者稱唐椒

藁荷

○宜陰地樹下生者尤美二月種之一種永生不須鋤耘但

加糞八月踏其苗令死則滋茂九月取其傍生根為莖亦可醬

藏十月中以糠覆其根下則過冬不凍死亦有赤白二種亦可

食白入藥治蠱毒

熊蔬

呼豆○宜卑濕地三月晦間收根種之

冬蔬

引○宜沙地種法上同

首蓿

引

○地宜肥熟七月作畦種之一如韭法一年三刈其苗

留子者可一刈即止此物長生種者一勞永逸春初苗未生採
出供菜葉既生亦可茹性涼生食瘦人同蜜食下利

當歸

古名別俗
稱辛甘

○三月可種生筍後種之亦活種宜依山或墻陰

地則盛若苗秀而開花結實翌年不生嫩莖作灸香美上品○

養冬筍法作長土字字內運入肥土作大畦種根於其中時以

強水澆之則黃芽苗長食之極美種蔥一邇亦美大益人血

羊蹄菜

○春初嫩葉宜羹冬初採根納向陽土字中勿令入寒氣

則萌芽即生取以作羹亦足充飢取芽後還置土字中旋萌旋

摘用之無窮多啖下氣

萐○引清水作池石簪放之又通下流長為活水則盛自三四月

至七八月通名絲萼味甜體滑軟霜降以後至十二月名塊萼
味苦體脆然取以為羹猶勝雜菜宜鯽魚○性冷滑不可多食
疫病新瘳者食之必死

木頭菜音○春初地釋即移栽圓圍邊水澆之待抽笋摘下菜爰
俱佳○十月晦間用大盆或小壺中實以土多取枝尺餘者亂
押土面置溫房內頻澆溫水則枝頭生笋摘食味新無毒

紫蘿冬至

○葉面背通紫者佳春初下種四五月遇雨移栽而五

穀地畔及庭道處皆可種以避六畜傷踐○葉入羹并藥或入
魚肉食品能治鷄癩毒或作茶佳○子作粥令人肥白身香入
酒服降氣治痰取油燃燈入饌塗髮好熬過油紙帛極佳又治

蛇犬傷要藥也

烏芋

一名又各升

○種淺水中春月開白花秋冬取根食味亞香芋

莞草

一名黃花菜

○春栽五六月開花作菜絕佳

蒼蓬

○種取根莖作羹蔬味薄多食且損人莖燒灰淋汁洗衣白如玉

蔓蔓

○春可種二三月秋可種七月半至十月初霜足收之○

久食損傷氣葉置席下去蚤虱辟蠹

范麻

○春種秋實田畔栽種尤宜芋薑田多種庇陰○嫩葉陰乾

蒸之以備裹飯食○子取油

方見

燃燈

不可作房燈

油有毒凡

服此油者終身忌食炒豆必脹死點六畜舌下不食點肚內即

下血死○無刺良有刺毒根莖俱入藥又有稱唐草麻身長葉

大俗鄉一年碧梧桐可種籬下

茴香○春暖向陽掘區與土相和區先下水用新香不絕者量地下子糝上微蓋區南種麻以遮夏日長高三四指旱則澆之或霖雨時取新子種之亦可十月所去條梢以糞土覆根三月去之○和諸食中甚香破一切臭氣

荊芥○初生香辛可啖作菜生熟食並煎茶服能清利頭目既老作穗收之入藥

香薷上叶○暑月作蔬菜食之作穗收之

絲菜下叶○春種如黃荻法引蔓上籬新結子可作菜老則取瓢可以滌器善治小兒痘瘡

薄荷○移栽經冬根不死採葉可食生啖作蔬亦宜○氣涼性溫
不宜老病人有穉龍腦者尤涼冷

桔梗

改豆

○多栽園圃間二月可栽○此物作菜造醋泥醬佳且甚

益人花白者尤佳補產後○有心根中者為苦更無心者為齋

菜

川豆

作菜或作脯佳又解百葉毒

冰蓼

改豆

○二月移種經數年根大作菜作脯醬並佳○久食利人

又治病

木

甘

○苗初生時作羹茹甚佳春冬多栽園中其根長而連珠者

為蒼朮形促者為白朮九月採收藥用

五加木苗○春間取苗作菜絕佳後栽開地愈多愈好枝根皮並

為服食上品

竹筴○治法如食佳品而性冷不益脾胃宜少食

山野菜品

春來百草之芽皆無毒可食而其類甚多不可盡錄略舉其常食佳品而附焉

薺이○初生可食冬月採根藏土芋中取作羹佳或乾儲亦可根葉大者為薪薪功用同○根苗甚益人能引血歸肝故明目其子主明目

馬薺이○早春取葉作菹佳花莖時有芥氣尤美

菟이○煮嫩莖葉和芥汁作菜益人與鱉肉同食必成瘕殺人大

忌○葉小厚者名馬齒莧叶川中有水銀十斤可得八兩此草

極難乾以槐木推碎向日作架晒之數日即乾取汁作膏治瘡

腫和蜜服治痢○凡莧能飽腸胃令人不思食暑月取覆飯上

不饑○莖葉俱赤者洗布接瓠方見又糟藏食之甚美味辛

山芥叶川○生深峽山中冬間採之至暖芽長則不可食作菹辛寒

無此方見
治膳

苦菜叶川○無毒去中熱去五臟邪氣

旋花叶川○根可充飢益人

蕨叶川○春晚折肥莖未伸拳者蒸煮食之甚美乾備冬蔬多食

消陽氣令脚弱眼暗腸脹不可生啖成虫

薇司天

○春夏間採嫩莖作羹茹佳乾儲冬食俗稱高非亦稱鱗

蕨○不損人其根為貫衆治虫

蕺菜司天○一名管菜多食損陽氣消精髓

蓼○取子以葫蘆盛水浸濕掛於火上晝夜使暖生芽作辛盤

小蒜司天○有小毒濕中消穀

野蒜司天○生葉時採取同沈石菜薤中損人

石菜司天○早春取葉作菹佳

繁蔓司天○作羹作菜或生食無毒

苦苣司天○今人為菜生食或入石菜薤中益人

水蘓司天○多生水崖傍苗似旋覆兩葉相當花生節間大香馥

作菜食之佳久食通神明

萋蒿

甘辛香美而脆作羹臠及菜茹並佳

香蒿

正月披雪採之作羹作餅佳與艾種別

酢漿草

早春採入道中此草指鍤石器如銀

西土里

飽而無傷和穀氣尤好冬亦乾烹救荒好

石蓴

葉似百合四五月採作羹醃醋俱好

松莖

春採可羹可醃然味甜不佳

童蒙蔬

山中處處有之醋菜佳

清兒菜

好生籬下陰濕處醋菜極佳

紫芥

葉厚皆紫亦與常芥稍異味極辣沈道如山芥法極佳

松茸○生松下其土自然蒸鬆有白氣處方生茸未出土者稱童

子茸已出土者稱笠茸不如童茸之香美七八月多生○亦有

一種或生於雜木之下其形與氣味同松下採者小麥熟時及

七八月採之

潤乾松茸法好黃土水調如稀粥浸茸其中過三日取出洗淨則如新採者

蘑菰

且生南中海邊生無定木或伐其木置陰地上待六七月以

蒿簍覆之洗水恒濕之亦生或曰以斧頭時時打動則易生甚

香美悅神開胃

石茸○生於名山石崖上名曰靈芝食之延年不飢

生筆菌法○

榆柳桑槐楮為五木茸煮漿粥

即粟米粥

安木上以草覆

之即生茸○取朽爛木及葉埋地中常以米泔水

即洗澆之令米水

濕三兩日後卽生本是朽木不損人○又法畦中下爛糞取朽木長五六寸截斷提碎如種菜法畦中勻布土蓋水洗常令潤如初有小菌卽摧之明朝又出亦摧之三度後出者甚大收食之最佳○生松木彭木真木者並無毒楓樹出者誤食令人笑不休而死○凡菌夏月地生者笠下無紋則有大毒必殺人雖無毒亦損人

種藥

草堂近地別開一圃種藥其中隨時採取以備餌服而此外山野間可採者亦皆越時收儲則非但治病足可資生矣採藥法○凡採藥春寧宜早秋寧宜晚故二八月為上時蓋春早

則津潤常未充枝葉故也秋晚則津潤已歸根下故也至於花
實莖葉乃各隨其成熟爾然歲月亦有早晏不必都依本文且
諸藥八月已前採者皆日乾火乾十月以後至正月採者陰乾
黃精黃精○二月擇推兩葉相對生者是真品擘長二寸許稀種
之一年後甚稠種子亦得其葉甚美宜膏腴地其根仙家所重
天門冬○春初栽七八月採根餌之延年不飢

麥門冬麥門冬○種宜堤坂肥土石間久廢之處二月栽之八月十

月採功用上同

天麥門冬以柳鵝
蒸過晒之方乾

地黃○須黑良田五遍細耕三月上旬滿上時中旬滿中時下旬
滿下時其種還用三月中掘取者逐犁後下之至四月末五月

初生苗訖至八月盡九月初老成中用若須留為種者即在地中勿掘之待來年三月取之為種鋤不限遍數鋤時勿使細土覆心今秋收訖至來年更不須種自滋生也惟須鋤之如此得四年不要種之皆餘根自出矣○採或作熟地黃或生乾收之枸杞○白色無刺者良秋冬收子淨洗晒乾春耕熟地作畦闊五寸紐草稈如臂大置畦中以泥塗草稈上然後種子以細土及牛糞蓋令偏苗出頻水澆之○秋收好子至春畦種如種菜法又法三月中苗出時移栽如常法伏內壓條時為滋茂又法截條長四五指許掩於濕土中亦出○一年再結實其年多水之兆秋實方入藥其葉一年供蔬美又莖葉花實根皮皆有餌法

延生○宜種井傍令人壽緣簷作遮陽清甚

何首烏

五原道曰吳至晉黃海道曰州世是到

○根大如拳春移秋採赤者雄白者

雌兼服佳服餌上品易斃龜形者神

薯蕷

叶又名山藥

○宜寒食前後白沙地區長丈餘深濶各二尺小加

爛牛糞與土相和平均厚一尺棟肥壯根上有芒刺者以竹刀每段折長三四寸鱗次相挨卧於區內復以糞土均覆五寸許旱則澆之不可太濕忌人犬糞苗長以高梢扶架霜降後此及地凍出之外將蘆頭另窖來春種之勿令凍損○以子種者極細久服不飢延年

覆盆子

蔓草

○作樹曰覆盆作蔓曰蓬藟功用同秋種於閑地五

六月食實又取未爛熟者晒乾作末服○健補精起陰痿堅長

石菖蒲○初春採盤根細葉者取積年溝渠中尾為末種之性喜

洗根頻洗則葉細而秀極怕烟繞繞被烟繞無不爛死忌灌臭

氣水五月十二月採根一寸九節者良仙家上品

種怪石法
見養花條

芡雞菱菱○八月中子熟收取散池中自生兩物俱益人多種救荒

百合明○二月種宜雞糞坑深五寸如種蒜法甚益人且救荒

五加木○深掘肥地每二尺埋一根令沒舊痕甚易活苗生從一

頭剪訖鋤土壅之五月採莖十月採根皆取皮陰乾○酒能生

痰火惟此浸酒日飲數盞最有益味亦美

地榆○水解種之三月生苗七月開花用根以其葉作茶清熱服

餌有方

五味子○春初栽八月收實益人夏月尤宜

仙靈脾

即為羊藿一名三枝九葉草

○久服令人有子

蛇床子○春初多種子熟收之作湯洗陰甚益陽道

決明子

即草決明

○二月子種葉生便食之明目秋收子作枕治頭風

朝朝按吞一匙明目種處蛇不敢入

防風○十月移根春初并生作粥香美

芳藟○春種秋採根蒔於園庭則芬馨滿逕其葉名靡蕪有香可

藏衣箱中

瞿粟○九宜山坡亦可畦種重九日或仲秋夜種則瞿大子滿其

子和竹瀝作粥極美

資用品類

烟草

即南蠻草本名淡
怕鬼又名相思草

○三月間擇肥濕地熟治之旬下子用細

土微掩之用空筭蓋之早晚洒水筭上候苗立夜露晝蓋已成
三兩葉方可移栽先擬可栽之地而以不瘠不濕為良太肥則
不合就地上多布標葉之屬俾掩之以後待雨移栽而每根相
去八九寸未看根前恐萎必以松標枝遮日護之待長尺許截
去其梢只留六七葉逐日勤摘新筭使不分氣其葉既大且厚
色微黃疣瘡是毒上也便就日中摘葉編懸簷下陰乾又養筭
而再摘三摘者味劣凡摘葉於雨新晴之時則毒盡下流味反

不猛須更晒數日而摘之須勤培壅然忌澆之屎燃火不猛○
有毒治風寒痺行滯氣停痰然火氣薰灼耗血傷神若火證陰
虛人宜禁○此草豐儉略與稻禾同專力業種則可以資生矣
紅花以○二月種時欲雨漫撒爬勻如種麻法以灰糞或鷄糞蓋
之澆灌不宜濃糞二三月間初雨後連下鋤培而掩種則子科
大四月種晚紅花須留春子自此至五月初發種木花田間此
則晚也七月摘花其色鮮濃耐久不黧勝於春種者○花開時
清晨採微搗去黃汁用青蒿蓋覆一宿或清水浸一宿稔成薄餅晒乾
收用勿近濕牆壁近濕則泥損○水種必曝乾免鬱泥不生收
當年子根耕再種則秋採倍多色亦好矣○子煎服治瘧取油

為燭又搗碎造膳

法見
治膳

藍蔞○宜平地三月耕熟種之爬勻用荻簾蓋之每日早用水洒

至種至生苗去簾長至四寸高以熟肥地作畦打溝成行離五

寸栽一窠

又曰五月芒種遇雨接滿拔藍以
三藍作一窠急手栽之勿令地乾

每日用水澆灌如

地瘠用糞水澆一二次鋤五次為良

白昔
急鋤

○七月割藍蔞葉水

煮熟去渣此三停內用生藍汁一停相合入染而猶不如全用

生藍藍汁易壞壞則色麗放置水盤上隨磨即染揚風乾之○

除留若干根候開花結子八月收來春種之又曰榆葉落時可

種五月可刈六月可種冬藍○性寒取汁救中毒

龍引○先於舊年八九月間耕地爬平至春解復耕至三月臨種

時又耕撒種後橫直復耙三四次候生五葉時即鋤至五月間
收刈打靛夏至前後者葉上有皺紋可刈將莖葉浸籠內用礬
灰色青者量多寡下之每五十斤用石灰一斤俗法用蚶灰水浸次日變黃色去梗
用木耙打轉粉青色變至紫花色去水成靛是謂頭靛其在地
原根再以糞水澆灌如前法收割浸打謂之二靛亦可取三靛
紫草○宜黃白軟良之地青沙地亦善開荒黍稷下大佳三月種
子鋤如穀法九月中子熟刈之傍去其土連根取出就地鋪齊
頗乾輕振其土以茅束之○忌驢馬糞及人溺又忌烟令草失
色○其新生茸摘取復納篋中洒水令恒濕則茸又生可累摘
不已治小兒痘瘡○折根見之則肉內通紫者佳山野間自生

陳根尤佳

茵草

早生即香蒲

○此草種於池西則根連至池東多叢生若種於池

東則無一叢生故世稱東向草不可不知七月刈取小小束之

日晒夜露六七日收之造席○春初取嫩苗作蔬酢脆美以醋

浸如食笋法大美○秋初取其槌

早生即

蒸過熱彈作絮造褥

絕好其輕花打收為蒲黃入藥

稜莠

早生即

○最靱種子濕地稍長移秧彼塘或水田或井下溝

渠等處多入陳糞蠶砂雞糞尤好七月刈取編之日晒十餘日

要香草○俗稱白乙布草此兩草皆莠類七月取刈用之

大葭○連莖採取卧埋濕地中只出其稍則節節生根當年即盛

霜後刈之○小葭今之編簾者亦多種汚地或濕土中

菰○生彼澤中結實即彫胡米作飯救荒

雜藥類年年採收以備不時之用

雜藥凡一百一十種○人蔘心甘菊花甘信白菊花甘信甘草二八月除日採

兔絲子外牛膝外薔薇子即益母草一名野天麻

鐵柴胡忌銅鐵獨活忌木香羌活升麻外車前

子外澤瀉外遠志外龍膽外細辛外石斛

菴蘭子外苧黃子外卷柏外白茯苓外黃芪外

續斷漏蘆外丹麥旋花外忍冬外蛇床子外

川地膚子外茵陳蒿外葉耳外葛根外

蔓根

取實仁又造粉如造葛粉法 一名天花粉 麻黃通草 並取子根

蟲實

蔓根並取

玄參 秦花

蔓根

知母 貝母 白芷

蔓根

黃芩

蔓根

紫苑

前胡

酸漿

藁本 葶藶

蔓根

艾葉

惡實

水萍

王瓜

地榆

大薊

蔓根

小薊

蔓根

澤蘭 葉防己 天麻

蔓根

茴香 三稜

羅摩子

蔓根

鬱金

玄

胡索 茲草根

蔓根

鱧腸

茅香花

蔓根

半夏

大黃

葶藶子

草蒿

蔓根

旋復花

蔓根

藜蘆

射干

蛇含 常山

蔓根

甘遂 白欬

蔓根

白皮

大戟

商陸

威靈仙

蔓根

牽牛子

蔓根

天南星

蔓根

形稍大

篇蓄

狼毒

菴蓎

蔓根

馬兜鈴

連翹

여름 리나 白附子 하 木賊 하 蒲公英 안 穀精草 고


昨葉荷草 점우지 夏枯草 하 山茨菰 하 燈

心草 하 虎杖根 하 草烏 하 鳳仙花 하 金鳳花 하 茯苓

茯神 黃蘗 蔓荊子 하 辛夷 하 蕪荑 하 苦茶 하 安息香 하

早合歡皮 하 五倍子 하 皂莢 하 郁李仁

외이슬 丁公藤 하 白蠟 하



增補山林經濟卷之七

攝生

人生萬事熟有重於吾身者乎壽命長短天固有定數然徒恃於天而妄犯傷生之事則亦何能盡其天命而終乎幸有得其生者未滿中年先使耳目昏塞肢體痿廢則其可謂優游逸樂享用清福也哉茲錄却病之法延年之方總論○凡損者易知而速焉益者難知而遲焉故不可以少益為無補而不修亦不可以少損為無傷而不防也○攝生當先除六害一曰薄名利二曰禁聲色三曰肅貨財四曰損滋味五曰屏虛妄六曰除嫉妒六者若存則養生之道徒設而未見其益

也○人生太閑則別念竊生太忙則真性不見故君子當於是
非場裏出入道遙達順境中從橫自在○寵辱不驚肝木自寧
動靜以敬心火自定飲食有節脾土不泄調息寡言肺金自全
恬靜無慾腎水自足○却病十法靜坐觀空覺四大原從假合
一也煩惱現前以死譬之二也常將不如我者強自寬解三也
造物勞我以生遇病稍間反生慶幸四也宿業現逢不可逃避
懽喜領受五也家室和睦無交謫之言六也衆生各有病根常
自觀察克治七也風露謹防嗜慾淡泊八也飲食寧節毋多起
居務適毋強九也覓高明親友講開懷出世之談十也此法非
但却病便是養生至訣○坐多於行默多於語質多於文思多

於威讓多於爭介多於沈閑門多於出戶懽喜多於嗔怒如此
常貪多獲福自無量○一日之忌暮無飽食一月之忌晦無大
醉一歲之忌冬無遠行終身之忌燃燭行房

養心性○心者神明之舍中虛不過徑寸而時日之頃七情交攻
炎如火矣故曰心靜可以通神明可以固元氣而萬病不生若
一念起萌神馳於外氣散於內血隨氣行榮衛昏亂百病相攻
大藥治心養性疾病不作○人神好清而心擾之人心好靜而
欲牽之常能遣其欲而心自靜澄其心而神自清○怒人性易
發而難制者惟怒為甚若能於怒時遽忘其怒而觀理之是非
亦可以見外誘之不足惡而於道亦思過半矣怒則氣逆嘔血

氣激傷肝大怒損陰朝戒恚嗔又當食暴嗔神驚○喜大喜損
傷多喜則傷心多樂則心神邪蕩多好則志氣潰溢○悲悲哀
太甚則胞絡絕又曰哀者朽骨之患○恐大恐傷腎恐懼不解
則五臟失守○思多思則神散多念則心勞多機則智慮沈迷
謀慮未決則膽寒氣溢而口苦遇事憂不止則成肺勞當食而
憂神驚而夢寐不安多愁則心懨或云頹面焦枯○愛憎損性傷神好
憎使人心勞志氣日耗○疑惑有人飲酒壁有雕弓影落盃中
疑其蛇也歸而疾作後再飲其地始知為弓而疾遂愈又有僧
人暗室踏破生茄疑為物命念念不釋中夜有扣門索命者僧
約明日薦福天明視之乃茄也疑成心疾之害蓋如此矣

省嗜慾○病者所由通於死之路也慾者所由通於病之路也通
聲色者所由通於慾之路也塞此三路可以延生矣人身有二
火一水心為君火右腎為相火左腎屬水君火一動相火翕然
從之吸撮三焦精氣而瀉去之一水既虧二火益熾成陰虛火
動之病稟生厚實者雖有少過其度如井之有源隨渴隨滿不
知所減若所稟虛弱者強過其度則如燈之無膏不久自滅矣
可不懼哉○男子破陽太早傷其精氣平生不成完人女子破
陰太早則傷其血脈胎孕不固○慾多則精損肝精不固目眩
無光肺精不交肌肉消瘦腎精不固神氣減少脾精不堅齒髮
浮落且腎脈內屬於耳中膀胱脈出於目眚故耳閉目盲乃房

室損精之為患也

勝胱即腎之雄經也

○人方壯盛之時慾熾而不遂則

陰陽交爭乍寒乍熱有久而為勞者唐靖瘡發于陰至爛周子

真曰得之於欲泄而不得也強而行慾元精去元神離元氣散

則亡其忍慾而不為必泄者過矣強作而必泄者安矣又有臨

房惜精不泄致患懸癰

癰生前後陰之間

者是患也故知道之士清心

寡慾閉泄有節不敢恣情傷生○相婦人法凡婦人相欲吉則

男子犯之多蓋矣若相欲凶則男子犯之賊命損壽戒之慎之

○凶相婦人蓬頭蠅面捉項結喉露齒大口目睛彈濁口頰有

毛骨節高大又有七殺一曰面大口小二曰鼻上生紋三曰耳

反無輪四曰極美面如銀色五曰髮黑無眉六曰睛大眉粗七

曰睛黃

如五官俱好一而無
虧犯此亦主刑夫

又女若方面為虎面必犯殺又皮

白無光顴高額削目圓斜嘴尖顴驕胸露背坑山根陷年壽起
節肉冷如水髮或黃或赤而且硬睛或赤或黃少年髮落聲大
如雷性急如火夜睡多呼陰毛若直若長若黑皆主刑夫又有
九忌一年高大二有痼疾三唇薄鼻大四齒疎髮黃五痰苗強
硬六聲雄七肉溢不膏八性情不和九性悍妬忌犯之大損人
○婦人吉相面有和色頭髮黑細膩長眼長而黑白分明神光
不惡印正準圓唇紅齒白顴低腮豐體柔骨軟而不大肌白細
滑語音和調性行柔順少年未經出乳多肌者犯之益夫矣不
必求顏色妍麗者○忌時大寒大熱大霧大雨雷電霹靂日月

薄蝕虹霓地動天地昏暝之時犯之致病雖成子女亦不育矣

○忌處日月星辰之下神宇寺觀之中井竈園廁之傍塚墓屍
樞之側皆不可犯損人神生子亦不仁矣○犯房雜忌飽食犯
房血氣滲入大腸成腸癖大醉中精液衰少陰痿不起醉飽中
五臟翻覆忿怒中精虛氣滯發為癰疽恐懼中陰陽偏虛自汗
盜汗大喜大悲者不可合陰陽時病未復犯者舌出數寸死眼
病中患內障金瘡未差中動於氣血令瘡敗壞遠行疲乏中成
五勞虛損忍小便中得淋疾或致胞轉臍下急痛死月事未乾
而犯之生白駁身面痿黃不產汗出中必中勞風燃燭令終身
之忌晝合不祥服腦麝人犯之關竅開通真氣走散又忌衝冒

寒暑或疾病未平或犯畢出行或大小便訖或新沐浴後或無
情強為皆極損人萬病乃作特宜慎之○房室節度法年二十
以後三日復又曰一泄三十以後十日復又曰一泄四十以後一月
復又曰一泄五十以後三月復又曰一泄六十以後七月復又曰一泄
開精法雖如此人若腎元不固者陽痿意淡年雖二三十儲精
勿泄可也蓋宜保惜真元以為一身之主命不然則根本不固
吐納導引服餌之術徒為文具而終無益矣○彭祖云一月再
泄此節慎之道素女云六十者當閉精勿泄謝上蔡云人有子
後一點精不可泄故曰服藥千裹不如獨卧一室○逐月日忌
正月初三十四十六日二月初二日三月初一初九日四月初

八日五月初五初六初七十五十六十七十八十九二十

月初十日又云初九百日中惡十一月廿五日十二月初七二

十日諸日犯之損年每月十八日人神在陰切忌四月陰月十

月陽月忌入房冬夏犯之尤損人而五月有九毒日必處外寢

又大月十七日小月十六日忌之

五月內一二三日即九毒日鄧侯干支

忌夏至一陰生冬至一陽生初生之陰陽甚微宜節房室又云

夏至後丙丁日冬至後庚辛日又云冬至前後各五日必別寢

春分秋分冬至夏至立春立秋立冬春秋社日三伏日上下

弦朔望晦日上中下元日及本生日庚申甲子日忌之○入房

無病吉日每月二日三日五日九日二十日每月上旬宜參井

鬼柳張房心曰天晴夜半合則利身又生子賢而壽富○交合法交合時常以鼻多內氣口微吐氣自然益人欲施福者當開口張目握固兩手縮鼻取氣又縮下部及吸腹小偃脊脊長吐氣並啄齒千遍則精上補腦使人延生若精妄出則損神○陰痿強服丹石或服燥烈之藥以助陽則腎水枯竭心火如焚不久而變作死矣故其藥必以養陰長陽之劑為主治可也

節飲食○飲食之要在淡滋味去肥濃斷炙博戒殺遠葷然後節食與飲則臟腑冲清通氣為和○節飢飽凡臨食祇食其半常留有餘不足之心此為攝養要法也喫食要細嚼細嚥以津液送之然精味散於脾家華色充飢若粗快則祇為糟粕填塞腸

胃耳食欲以而數不欲頓而多飢而進食要熟嚼極飢而食切不可過飽渴而引飲要細呷極渴而飲切不可過多不飢強食則脾勞不渴強飲則胃脹○調飽食法過食物飽甚雖體倦無輒就寢可運動徐行約百餘步然後解帶鬆夜伸腰端坐以兩手按摩心腹交久來往約二十過後以兩手自心脇間按擦向下約十數過仰面呵氣數百口則心腹氣通過飽之食隨手消化凡食後即卧及終日穩坐皆能凝結氣血久則損壽必用此法每食畢即呵出口中毒氣則永無患又食後以小紙撚打噴嚏數次使氣通則目自明痰自化飽不得速步走馬登高涉險恐氣滿而激致傷臟腑○飲食冷熱熱食傷胃冷食傷脾熱無

灼唇冷無水齒食熱便食冷食冷便食熱則冷熱相激患牙齒
凡飲食四時常要溫暖而夏月伏陰在內尤宜暖而戒生冷且
老人之食宜溫熱熟軟不宜粘硬生冷夏水只可隱暎飲食若
碎食之久當成疾○雜忌五味不宜偏嗜皆能為害而數食甘
美令人內熱中滿其氣上溢而口甘消渴減五味濃厚食免傷
其精省煎炒焦燥物免傷其血夏至以後迄秋須慎餅藿肥膩
油酥之物與酒漿瓜果相妨過食必得病百味未成熟者瓜果
不時者禽獸自死者及腐敗閉氣之物並勿食凡果菜禽獸虫
魚之屬如非常形者勿食凡有穴有孔之物勿輕入口及輕嗅
之恐藏毒虫飲食經宿於露天飛絲墮其中食之傷人又飲食

覆器不密出氣欲盜環器墮涎食者得黃病通身如蠟汗入飲
食中發惡瘡內疽銅器覆食成汗入食中殺人髮落飲食中誤
食成瘕飲水勿急咽久成氣疾凡食物以象牙牙金銅為匙可以
試毒○哭訖不用即食大怒勿強食當食須去煩惱醉不可強
食飽食之後尤宜忌酒○食畢當嗽口令人口香齒亦不敗一
老人年七十三狀貌氣力如四五人問之初無異術但云平生
不飲水只沾唇而已○老人冬月晚起飲醇酒然後進粥必○
酒飲少則益人過多則損人飲須氣暢而止也飲少則能引滯
氣導藥力潤肥膚悅顏色通榮衛辟邪惡若過多而醉則肝浮
膽橫諸脉衝激由之敗腎毀筋腐骨銷胃久之不能飲食獨與

酒宜去死無日矣飲覺過多吐之為強飲酒後不可飲冷水冷茶被酒引入腎為冷毒

保身體○道家梳頭常以百二十度為數又云每日千梳髮不白新沐髮勿令當風勿帶濕縈髻勿濕頭卧得頭風飽食沐髮冷水洗頭成熟泔洗頭冷水灌之皆得頭風又午後沐髮令人心虛又有眼病人終身不可沐髮女人月事來不可洗頭或因感疾不可浴亂髮皆埋之勿投水火又勿押壁間招崇沐浴同日又云夫妻同○頭凡暮卧不覆頭令人壽又忌頭邊風穴又日沐浴忌頭邊延置火爐○面朝朝洗面精神自來頻拭額上連髮際二七遍面上自然光澤○眼心之神發乎目久視則傷心養目

力者常明又云眼不點不昏熱摩手心熨兩眼每二七遍則自然眼無障翳明目去風孫真人曰極目遠視夜讀註疏月下觀書夜視星斗久居煙火博奕不休抄寫多年雕鏤細巧刺頭出血迎風迎數皆表明之由久視日月損目又怒目視日月失明盛熱中用冷水洗面大損目朝起開眼洗面令目涼患眼者忌沐髮凡五色皆損目惟皂糊屏風可養目力○宜服藥餌扶桑至寶丹蔓菁子服法薺菜子服法桑灰水洗法真涎塗法○耳腎精發乎耳久聽則傷腎又云聽多則耳聞耳不幹不聾以手摩耳輪不拘遍數所以修城郭以補腎氣以仿聾聵又云早起啄齒嗽津嚥之縮鼻閉氣以右手從頸上引左耳二七復以左

手從頸上引右耳二七聽耳延年養耳者常飽腹○鼻以中指
於鼻梁兩邊指二三十遍令表裏俱熱潤肺去鼻中毛通神路
日出三丈後正面向日得嚏若不得嚏以軟物通導之使必得
嚏此補精復胎長生方也食訖取嚏現○口常習閉睡中開口
成消渴耗氣損神○齒者骨之窮朝夕琢之齒不齟臨睡用溫
鹽湯嗽口叩齒則堅牙益腎齒忌梳剔又早起馬毛刷子刷齒
則能腐齒根熱湯含嗽損齒年少時時齒堅恣嚙剛硬之物則
齒受暗損未老而齒先落扣齒而修養之上法朝暮叩齒以會
身神叩齒之法以六六三十六為度若卒遇凶惡不祥叩左齒
若經凶惡辟邪威神大呪叩右齒若存思念道致真招靈叩正

中四齒閉口緩頰使聲虛而深響也夜行常嗽齒無限數鬼神
不得犯蓋畏其聲也有人得面風疾口目不正上下齒惟切拍
得聲響日夜不止得壽百二十七歲刷齒宜暮製荷葉鹽法刷

用葶麻子或
桃枝松根

○津唾真人曰飲玉泉令人延年除百病言口中

唾也鷄鳴平旦晡時黃昏夜半一日一夕凡七嗽滿口咽之各

曰回津令人精氣常留面目有光身體潤澤遠唾損氣多唾損

神又曰遠唾不如近唾近唾不如不唾勿向中吐唾友子曰忌

唾亡精失氣常含棗核則能受氣生津濃唾去之清唾嚥之飢

困之時終日嚥津便不飢○臂養臂指者常屈伸常引挽軟方

通臂氣○股養股趾者常步履○足每夜濯足而卧四肢無冷

疾脚汗勿入水成骨痺足忌向火足傷於雪不可以熱湯洗之

值足指足要煖足心即湧泉穴以一手舉足以一手摩擦之百

二十數疎風去濕健脚力東坡云有武官官於二廣十餘年終

初不服藥惟每日五更起坐兩足相向熱摩湧泉穴無數以汗出為度云此法最能固精融血延年

○瓜甲甲寅日一云寅日可割指甲申午日一云午日可割脚甲此三尸

遊處割制尸魄割甲埋之○外腎此乃性命之根本不可不保

護回回國教人善保養者無他法惟使煖外腎不看寒見南人

夏看布袴者甚以為非恐傷外腎也云夜卧當以手握之令煖

此說最有理洛陽人劉几年七十餘精神不衰體幹清健或問

其術曰以兩手搦外腎而煖之默坐調息至千息兩腎融液如

泥滯入間此法至妙○大便勿向日月光忌大便成五痔大便
勿努努久則令人腰痛目昏宜任其自然大便時宜緊閉口齒
目上視使氣不泄○小便勿向日月星勿向地勿忍成五痔又
云膝冷成痺夜間小便時仰面開眼眼不昏飢時坐放飽時立
放○汗多損血大汗勿偏脫衣喜偏風半身不遂背汗勿倚壁
成疾○行久行傷筋損肝乘馬行勿回顧神去○立久立傷骨
病腎坐立莫於燈心後無事被牽連○坐久坐傷肉勞脾坐卧
塚墓間精神自散飽食終日坐損壽豎膝而抱膝坐不祥坐不
向地思惟不祥起暑月日晒處雖冷石不可便坐熱則令人生
瘡冷則成小腸氣○起早起常言好事勿惡言勿嗔怒咄嗟勿

唱奈何名曰請禍如聞惡事即向所來方三唾之吉每早下床
先左脚念乾元亨利貞下方脚念日日保長生如此各念三遍
則終日吉凡人早起常言善事天與之福夜起裸形不祥○笑
多則腎轉腰痛○歌舞晦臘勿歌舞勿對灶吟咏欲眠勿歌咏
不祥上床卧歌○語言多言損氣又云氣海虛脫讀書損氣
平明一次讀可笑要聲自丹田下出夜讀尤損氣食上語患胸
背痛寢不語行語失氣欲語少佳乃行與女人語笑同處致尸
鬼惑亂精神○思念神散此向思念不祥起思慮極則傷心吐
血○睡卧久卧傷氣勞肺卧勿當風人卧春夏向東秋冬向西
勿向北卧勿當舍脊下卧勿以脚懸踏高處令人損房足冷卧

勿大語損氣力屈膝側卧蓋人氣力若舒卧睡則有壓邪人卧
或側或仰一足伸屈不並則無夢世凡眠先眠心後眠眼一夜
當作五度反覆常逆更轉睡覺飲水更睡成水癖雷鳴勿仰卧
卧睡訖勿留燈燭令魂魄不安多睡令人目盲飽食便卧損壽
卧睡踏踏全陰魄也覺須展兩脚又兩手布陽氣也飽食仰卧
久成氣痿頸風寢無伏又云卧伏地大白人睡着不可戲將筆
畫面其人神外遊回視不忍尸有至死者勿課卧星月下行路
時向壁角卷足睡則明日足不勞醉卧黍稷中發瘡患大風墜
眉畫眠失氣養生者必使神清氣爽晝夜常醒春夏宜早起秋
冬任晏眠晏忌日出後早忌鷄鳴前起晏神不清夜眠既思則

怪至夜卧以所眠草上抽一莖出長三寸鬼魅不敢來魘○夢
善夢可託惡夢默之一云說夢者凶夢惡不須託以水面東嘆
之呪曰惡夢者草木好夢成寶玉即無咎矣夜停燭而寢則招
惡夢

慎起居○洼下之地不可處慎其濕也疎雨之地不可處慎其風
也久閉之室不可處慎其土氣之惡也幽冥之壑不可處慎其
陰鬱之毒也四者皆能病人宜避之○所居屋要陰陽適中明
暗相半太高而明則傷魄太卑而暗則傷魂○枯樹下塚墓傍
不可憩息坐卧精神自散○夏忽大寒冬忽大熱皆勿受之患
時疫皆由此出○大風暴雨震雷昏霧皆是諸龍鬼神經過宜

入室燒香正坐而避之○重霧三日必大雨雨未降不可冒霧
行昔三人冒霧行一人空腹而死一則食粥而病而已一則飲
酒而無恙蓋酒能壯氣辟霧瘴故也○早出含煖生薑少許辟
瘴開胃早起空腹不宜見尸欲見要飲酒少許○遇神廟勿輕
入入必恭謹不宜倨傲恣視○三伏日諸鬼行動不可出行○
翫殺者闔則氣結走馬大動氣

修鍊要約○擇堂李公植取古人方擇其要約可行者裁成一方
曰服藥而不宜方法則費財而無效惟鍊法勤而修之是大勝
於服藥也若不勤則服藥修鍊皆不可為但修鍊法一二月行
之則自然成習欲罷不能也○晨興起坐呵出腹中濁氣而以

鼻引入以口呵出即以吸補之凡三次叩齒三十六通

六次以

六為

次以大拇指背拭目二七遍次以食指長指間擦鼻五六

次次以指摩攪耳輪廓內外使之淨潔次以兩手相摩令熱仍

用煖面如洗沃狀

此法當於睡初起時而行之自然清快通暢

○調息法

逐時為之則仙也然養生者亦不可無此法晨興鍊氣後即為之其法箕踞閑坐一掃諸念徐徐省鼻息如何則鼻息自然徐長至臍下而止又省其還出至鼻端則徐徐還入如前大抵使心息相依則熱降水陞○吞津法舌柱上腭自生口液嗽而吞之乃本方也但柱腭不必生液惟屈舌而攪舌本乃生津若久久成習則亦不能自己飢困時亦似得力○導引法有不可行

者惟道路疲困寒暑侵犯之中用勞法以勝之為妙勞法如引強弓左右弛張三四度又以兩手合拘左右足常牽引數次亦得舒暢遇大風吹到略以此法奮力相當勿為寒氣所乘○含棗核則不飢常含過可若大寒大暑大風大濕中則含胡椒二三粒齒舌摩戛使辛氣透入五內則百疹不能傷也

服食諸方○凡服餌之家不可多食生胡荽及蒜生菜又不可食諸滑物果實等又不可多食肥猪犬肉油膩肥羹魚膾腥臊等物又不可多食酸醋通忌見死尸及產婦淹穢等事凡餌藥之人食鹿肉必不得藥力蓋鹿恒食解毒草能制諸藥耳

治藥法○採藥法

見種條

○乾藥法晒乾者曝於日中也陰乾者自

乾於通風陰影處也焙乾者隔紙而乾於火工也今按草木苗

陰乾皆惡至於鹿茸雖稱陰乾悉爛令壞惟火乾易得且良八

九月已前採者悉宜日乾十月已後至正月採者乃可陰乾諸

筋肉非十二月採者並宜火乾凡藥皆須架上設簿○熟藥

法炭以藥加炮以紙裹漬水焙乾火籠上燂以火烘器上蒸諸火也埋炭火中

蒸燂通紅煨火煮麩去末和薑制生薑自然酒製酒漬煉

蜜沸令三上三下去沫滴湯洗沸湯水拌以汁和燒存性火燒成

○合藥法唐材之陳舊者反不如鄉材之新者但鄉材氣味必

劣優加其重可矣材必十分精擇炮製剉切謹依古法切勿妄

損藥力君臣佐使分錢輕重毋敢增減有違古人參酌著方之

旨然後擇吉日

見選擇

淨掃一室忌產婦喪葬房勞穢惡等事精

白致精而合藥可也○湯藥法水一盞者一升也中盞者五合

也小盞者三合也藥重一字者二分半也煎器用銀石無則陶

石亦可決不宜犯銅鐵器水用新汲極淨者依方入引子以文

武火徐徐煎之利湯欲生少水而多取補湯欲熟多水而少取

煎至分限用新布絞取服之而熱則易消冷則易吐

亦有冷飲之藥

○

造石鼎法採膏石剉作鼎罐以藁火燒冷三四次然後方堅固

用後置濕處則其本剝落易破預常置燥處又勿置地上大者

炊飯好煮粥尤好○作丸法如細麻者大藥如黍粟也大麻子

者准三細麻胡豆准二麻子小豆准三大麻子大口准二小豆

梧子准二大豆一方寸匙和蜜得十丸為度彈丸及鷄子黃大
准十梧子然方寸匙和作如梧子得十五六丸彈丸同等鷄子
黃稍大當酌量為之○積藥酒法凡以藥漬酒皆須細切盛生
絹帛乃入酒密封以蠟紙經春五夏三秋七冬十日視其濃烈
便可漉出取清服之滓可曝燥為末更清飲之一瓶酒浸麋末
藥三兩為止○服法病在胸膈上食後服病在腰以下曉頭未
語前服病在四肢血脉朝前空心服病在骨髓者飽滿後夜服
大抵藥與食氣不可相延相消乃進分為再服者雖藥氣亦待
消可進丸藥補者如桐子大則初服二十丸漸加至四十丸使
藥力漸漬補久為佳藥後食物熟則與藥相宜易消生則不消

凡藥不可着埋又不可泄氣棄澤尤當淨土上慎之○忌銅鐵

藥玄蔘犯銅鐵噎人喉喪人目地黄犯銅鐵腎消駿白何首烏

忌銅鐵犯鐵則患三消柴胡沒石子並忌銅鐵肉蓯蓉勿令犯

鐵桑白皮忌鐵及鉛犯鐵患三消桑枝木瓜蒌根並忌鐵鉛宜

用銅刀葛蒲忌鐵吐逆香何切忌鐵宜搗石臼杜冲忌鐵宜新

瓦工乾搗木臼天門冬麥門冬知母忌鐵患三消黃柏收丹皮

益母草忍冬花桑寄生石榴皮葉根草龍膽桃奴地骨皮猪苓

骨碎補白馬莖並忌鐵○藥忌一切角大忌鹽茯苓勿食酸醋

物一云忌米醋蓋服茯苓而喫酸則前功俱廢細辛勿食生菜鱉甲

勿食莧菜常山勿食生葱蒜菜桂勿食生葱蜜忌生葱蒿苣蓮

花忌地黃蘇麝香忌大蒜牡丹忌蒜生胡荽地黃忌蒜蔥蘿蔔
何首烏忌蘿蔔無鱗魚服地黃何首烏而食蘿蔔則能耗諸血
髒駿旱白朮忌大蒜胡荽桃李雀蛤青魚酥食桃或死甘草忌
菰菜海藻猪肉一云食蒜病不除黃蓮桔梗忌猪肉服黃蓮至三年則
不得食猪肉一生又忌冷水胡蓮忌猪肉食則漏精營耳忌猪
肉米泔巴豆忌蘆筍羹野猪肉醬豉冷水牛膝忌牛肉商陸忌
犬肉藜蘆忌狸肉破故紙忌羊肉半夏菖蒲忌羊肉海藻飴糖
陽起石忌羊肉銀及水銀輕粉忌一切肉朱砂孔雀忌食血物
龍骨忌魚麥門冬忌鯽魚天門冬忌鯉魚誤食中毒浮萍餅之
枸杞與乳酪相惡乾芥忌油脂黃精忌梅實猪膏忌烏梅杏仁

忌粟米當歸忌熱麵威靈仙忌茗及麪湯厚朴忌豆食之動氣
芎藭天雄忌豉汁

儲藥法○凡藥見雨久着火頻烘遇晴明日旋晒粗糙懸架上
細膩置罈中人參和細辛冰片同燈心麝香蛇蛻裏礪砂共蒸
豆收生薑老沙藏山藥候乾灰窖沈檀包紙重繭水臘雪水埋
甯宜久○枸杞漬酒服法正月上寅日採根細切陰乾一斤二
月上卯日漬於清酒一斗滿七日去滓晨服勿於食後服之四
月上巳日採葉五月上午日漬酒服七月上申日取花恐作梗八
月上酉日漬酒服十月上亥日取實十一月上子日漬酒服並
如前法昔河西女子服此酒得三百九十五而顏如十六七歲

兒漢使者得其方服十三日身輕氣盛百日容顏充麗白髮還
黑落齒更生得三百年不老又法取子五斤漬酒二斗研搗浸
七日去滓飲之初以三合為始後則任性能補益又法子煎五
升如稀餲麋搗麴末一升以糯米五升淘洗晒乾炊飯春夏冷
下秋冬稍溫和白入甕夏七日勤者勿令熱春冬十日密封閉
之待熟攪濾用之欲造五加皮地黃白朮天門冬等酒皆用此法取子生研取汁粥一
碗入汁一盞加熟蜜少許同煮食取子並地黃各取汁一升蜜
半升砂鉢內同煮如稀餲每一大匙酒白湯皆可調服金骨煎
取紅熟枸杞子酒浸兩月漉出研爛以布濾去滓取汁並前浸
藥酒於銀石器內熬成膏每日溫酒二大匙日二次久服輕身

不老耐寒暑可以羽化矣枸杞酒補虛弱益精氣去冷風壯陽

道止目淚健腰脚其法即取子爛搗汁和麴釀酒枸杞丸法春

採葉夏採花秋採子冬採根

凡採莖採根皆只取皮

並陰乾用酒浸一夜

晒露四十九晝夜取日精月華待乾為末煉蜜丸如彈子大每

早晚各用一丸細嚼以隔夜百沸湯下此藥性平常服能除邪

熱明目輕身健陽事宜久服

○硫黃盃法

凡飲藥酒皆此盃配用此盃可矣

含造化調理陰陽奪天地冲和之氣乃水火既濟之方不冷不

熱不緩不急有延年却老之功脫胎換骨之訣大能清上實下

升陰陽通九竅殺九虫除夢泄恍惚容顏解頸風開膏膈化痰涎

明耳目潤肌膚添精骨蠲痼疾墜又治婦人血海枯寒赤白帶下

其造法用瓷盃以胡桃肉擦過用無砂土真黃好硫黃生溶成
汁入明礬少許則塵垢悉浮以杖掠去綿濾過再入盃溶化傾
入盃肉盪成盃取出埋土中一夜木賊打光用之欲紅入朱砂
欲青入葡萄研勻同煮成每用熱酒二盃清早空心溫服則百
病皆除無出此方○五加皮古人曰寧得一把五車不用金玉
滿車又曰文章作酒金不言貴五加一名文章草蓋五加上應五車星
精故為靈品藥也作酒則峻補為湯茶服之亦良效五七月採
莖皮十月採根皮陰乾五加皮酒法四月五月去外皮用一斤
乾則冬月則並外皮倍入水十瓶煎至五瓶用白米一斗百洗
作末以五加皮煎水三瓶飲作昔酒用二瓶半乘沸調和待冷麴末五合

真末五合腐本一斤調勻入甕爛熟後以白米二斗百洗熟蒸

以五加水六瓶調和待冷與本釀同和以釀待熟上槽雖釀累

斗煎水用麴做此為例且調水時切勿用他水又方白米一斗

百洗入麴末四升以五加煎水四五瓶釀酒熬作燒酒又以粘

米五升百洗入細末麴七合用五加水釀酒待其味少甘多烈

以露酒注于其中作露酒品欲以淡若太烈不美以油紙封置微溫處過七八

日工槽世人服五加皮酒敬而獲延年不死者不可勝計○天門冬乾正十斤新採柳

過晒杏仁去皮尖一斤搗末蜜漬服方寸匙日三服名曰仙

人根天門冬酒法去皮心搗取汁二斗漬麴二升麴發以糯米

二斗准家釀法造酒封四七日取出澄清飲之若得天門冬為

末和服尤佳。天門冬二斤，熟地黄一斤，為末，煉蜜和，丸如彈子。
大每服三丸，溫酒和，下三日。忌鯉魚、蔥蒜、蘿蔔、鐵器。如居山遠，
行辟粒不飢，服至百日已見奇功。我國三南有之。漢甘始、太原人服天
門冬，在世三百年。○黃精細切一石五斗，以水二石五斗煮令
苦味盡，漉出，納布帛內，醞取汁，再熟如膏，即止。炒黑豆黃為末，
相和為餅，如錢大，每服二枚，日漸加之，百日知驗。一年內即老
變為少。昔羊公神仙常服此，言與天地相埒。渴則飲水，絕穀除
百病。根莖花實皆可服之。採根先用滾水焯去苦汁，九蒸九曝，
服或陰乾為末，每日調服，任意。一年變老為少，忌食梅實。○甘
菊正月採根，三月採葉，五月採莖，九月採花，以陰乾，四味合搗。

千杵為末酒下一錢或蜜丸酒服三日四季上寅日採葉莖花
根以成日合搗千杵或散或丸服黃白色味甘者佳而白菊尤
佳功效不可盡記甘菊煮取汁用糯米麴釀酒常服壯筋骨延
年並亦能却老南陽穰縣有甘谷水左右皆生菊花墮水中故
味甘居人不甞井飲谷水無不壽考高者百四五十歲○石葛
蒲五月十二日採根一寸九節露根者并浸一宿曝乾搗末以
糯粥入煉蜜丸梧子大酒飲任下朝服三十丸夕服二十丸輕
身不老辛勞太甚年壯心孔昏塞者用之得宜若心勞神耗者禁用又根絞取汁入糯飯細
麴釀酒服通神明延年忘食飴糖羊肉海藻○桑葉取家園中
嫩而存樹者採數十斤洗以長流水摘去蒂曝乾胡麻即黑麻九

蒸九曝炆香為末桑葉為君用十分胡麻為臣用七八分遇丙

丁戊己日在靜室中屏去婦人及孝子鷄犬煉蜜九梧子大日

服二次約可百九滾水下服至半年精力轉生諸病不作老人

之服步健眼明髮白還黑又能消痰此胡僧至寶丹

桑葉四月採之又十

月桑葉三分中二分已落一分在昔名神仙葉即採取久服不

已自躋上壽即仙家服食上品秘之勿傳非其人忌食毒魚生

菜狗肉曾女服胡麻餅木絕穀八十餘年甚少壯日行三百里

胡麻即胡中大麻子也○木連珠者蒼木麓從者白木一名山

一角七稜角即五引

精神農藥經曰必欲長生常服此精採根甘浸去黑皮木臼搗

碎用新布絞取汁煎瓷石器中如飴成矣朝以溫酒下一合隨

性空喫尤佳久服輕身益氣祛風寒不飢渴除百病延年消子
常餌此藥又一人避亂山中飢困欲死人教服朮遂不飢數十
年還鄉顏如故朮酒法以煎一斗好酒三斗相和入甕封以蠟
紙三七日開初服一杯後任意而勿至醉○槐實十月上巳日
採取並不淘洗仍擇圓實者每日服五粒以井華水下仙書曰
槐者虛星之精最於諸藥亦無畏觸服一年變白髮二年身輕
健三年補胸明目槐子膳法槐子去皮取黑子納滿中膳中陰
乾百日取出每日空心白湯新方吞下一粒二日二粒漸加至
十五粒以後每日減一粒周而復始黑髮固齒延年○菟絲子
得良酒浸春五夏三秋七冬十日取出蒸熟搗爛作片晒乾再

搗為末此藥作末甚難浸酒取出灌酒炊之如飯乘爛搗作片

研乾研作末本法酒浸九蒸九曝末二錢空心溫酒調服日二

次久服明目輕身延年

有村張患風疾不能出戶歲年收菟絲子數斛作飯常服之其疾頓愈氣力壯

健勝於未病之前○一人服此飲食倍常氣血充盛而忽得昔症飲金銀花并兩日至數升腫即消盡蓋菟絲能補氣也○

何首烏春末夏中秋初候清明日採取赤雄白雌形如烏黢山

岳之狀瑜也并浸一宿以竹刀刮去皮切作片黑豆汁拌蒸碎

乾搗末酒服二錢或蜜丸服必合雌雄服有驗東坡曰不製服

方效益血氣壯筋骨填精髓黑髮悅顏延年有何首烏者生而

閑弱老無妻子見此心異之遂採根曝乾搗末酒服七日而思

人道百曰舊疾皆愈十年生數男壽至一百三十歲忌葱蒜蘿

菹猪羊血無鱗魚忌犯鐵此藥非陽虛甚者不可單服○茯苓
外皮黑細皺肉堅白形如烏獸龜鼈者良去皮切如彈子大水
浸去赤汗蒸熟晒乾作末水飛去赤膜免致損目熬粥能補心
腎搗末以醇酒漬於瓦器中密封十五日方可食日三次屑服
不飢渴除病延年忌食酸物又米醋一喫前功俱廢○海松子
及搗膏作丸鷄子大酒調日三下或作粥法見常服輕身延年
不飢○蓮實取堅黑者去皮去心蒸熟為粉煉蜜丸日服三十
丸或作粥作飯或作屑酒飲任下輕身耐老不飢長生花輕身
駐顏白蓮為佳陰乾凡蓮忌葛及桐油○菱音菱菱音菱曝取
仁作粉蜜和食之可以斷穀延年茨一名鷄頭實三合煮熟去

穀研如膏入粳米粥一合空心食之甚益精氣○栢葉側栢葉皆向西

不計春夏秋冬依方採取延上葉用大甌襍裝熟蒸如炊三石

米許以湯淋三五度去其苦汗陰乾搗羅過末以黑豆黃末去

皮等分和白每二合以冷水調服日三久服除百病延年忌食

雜肉五辛高子良此服得仙道又方取陰乾葉作末煉蜜丸小

年十年之命服二年延二十年○松葉五鬣松子即今之海松命採不延墓者生石上者良

蓋中國之絕稀者取春東夏南秋西冬北葉細切如粟更研每

食前酒調下二錢淨水或粥飲亦可服又陰乾搗作散服亦得

大豆炒去皮作末同松葉末和強水服更佳松葉久服身生綠

毛益氣輕身還年變白絕穀不飢渴可致仙也漢武帝時獵者

人無衣服身皆生毛跳坑越澗如飛密伺獲得乃婦人問之言秦之宮人關東賊至秦王出降驚走入仙洞欲餓死有一老公教我喫松栢葉實初時苦澁後稍便喫遂不復飢冬不寒夏不熱蓋自秦至漢成帝時三百餘歲○延者宋同知英菴服松葉俞絛判大碩服松脂累年皆松實七月採過時即落難收搗

痕發背而殂服食者亦宜知我

如膏每服如鷄子大者日三服百日身輕三百日日行五百里

絕穀渴即飲水勿食他物久服昇仙又方松子二斤甘菊花一

斤為末蜜丸食前酒下日三丸佳松脂雖有服法而塞涼腸胃

不宜久餌○胡麻三斗淘淨蒸熟令氣遍晒乾以水淘去沫如

此九度以湯脫去皮歟淨炒香為末另以大棗爛煮篩下取汁

和胡麻作丸彈子大每溫酒和下一丸日三服忌毒魚狗肉生

菜服之百日去癰疾一年身面光澤二年變髮三年落齒更生

細桑枝三握以手握之剉去
下炒薤蒿細剉三握以手
握之剉去上下二種濃煎日飲
三四次治浮腫神效

四年水火不能害五年行及奔馬久服長生欲下飲葵菜汁胡麻

蒸不熟令人髮落同米作飯佳作丸以白蜜亦佳○蔓菁子文早取五升以七

升水淹急火煮數去浮上黃水以水炙子甜為度搗為末以大

棗汁肉和勻熟搗丸如鷄子大曝乾每三丸爛嚼嚥之日三服

百無所忌此淮南子辟穀登仙秘要療飢治風明日變白治瘦

病益心力久服令人肥健日誦萬言日行千里服之百日與天

地齊單子治青盲苗葉莖根食之益人○楮實牙八九月赤時

收五升陰乾搗羅為末每二錢淨水調下日三服令人耳目聰

明延年可致仙神驗宜久服○桑椹取黑熟者曝乾搗末蜜丸

久服變白不老又多取汁釀酒服主補益忌鐵江陵三陳山桑椹極大

地黃二八月採水洗肥大者佳生黃土者佳洗搗絞汁煎令稠
納白蜜更煎作丸如梧子空心酒下三十丸日三服葱蒜蘿蔔
勿犯鐵器白子高從太工傳受此方治病長生酒方糯米一斗
百度洗生地黃三升細切同蒸拌白麴釀之候熟取清飲之大
能和血駐顏○桃膠取二十斤以絹帛盛內櫟木即德木灰汁或
桑灰汁一石中煮三五沸住火即出帛子高懸候冷更煮如此
三度即止晒乾搗末煉蜜和丸梧子大每日空心酒下二十丸
欲斷穀日三服百日内百病愈一年不食氣力強盛三百日夜
視有光行及奔馬欲急功加至三十丸日四服五百日内三尸
去久服神仙花酒漬服除百病好容色○百草花三三五五七

七九九日摘取陰乾細末每二錢水調下日二服百日身輕面
目光澤三年通神忽與真人同位春採百草枝陰乾細末服如
上法亦得輕身長壽○百花無時採收亦可煮取汁釀酒服或
以花拌糯飯細麴釀如方文酒服米一斗入花二三兩為率○

稽豆

小黑豆俗稱鼠目太

每朝熟水吞下數十百粒益壽又入鹽煮食補

腎益陽道○桔梗生者淨洗水一斗煎至數椀篩下待凝如酪

露置經宿入白蜜少許朝前服大補老人○白粥用晚粳米濃

煮如未熟損人每晨起食一椀利膈養胃生津令一日清爽所

補不少

煮粥見治膳

○山芋粥即山生者佳去皮於石上或新瓦

上細磨如泥二合蜜二匙牛乳一鍾或無於慢火上同以分極

熱

不極熱則辣候

乃投白粥一碗中攪白食之甚益老人潤肺益氣○

覆盆子

呼曰作樹曰覆盆子蔓

四五月摘收六七分熟者烈日

曝乾去蒂酒蒸又曝乾

熱候乾亦好

搗羅細末每三錢水調服安五

臟益精強志倍力輕身不老白易顏○人乳汁無病婦人新生

兒乳汁三升好蜜三升合煎一兩沸不律器盛之每日空心服

一中酸此名老子乳丹亦名太乙仙丹入口不死又方乳汁二

盞好清酒半盞入銀石器內同滾每五更服○牛乳粥鵲粥方

並膳見補益老人○戊戌酒肥大黃雄犬一隻去皮腸下大釜以

水一桶爛煮取出骨取肉並汁汁滿九瓶用糯米三斗蒸飯

同麴九升和釀如常法

欲作露酒入麴一斗

空心飲一盃補養元氣老人

尤佳

諸方○灸臍法獬鼠糞灸臍中一壯有人年老而顏如童子者蓋

用此法

疑以蕎麥麵作圈安於臍上以鼠糞末填用艾灸之

○洗眼桑灰水法桑柴灰一

合以沸湯沃之磁器中令澄清稍溫洗之如冷再溫洗能治青

盲令視物如鷹神效必遇此神日洗之正月八日二月八日三

月六日四月六日五月五日六月二日七月七日八月十五日

九月十二日十月十二日十一月十六日十二月晦日○真涎

塗眼法早晨睡初覺未語未起時以指點出口中真涎濃塗眼

眼睫上乍以兩睫開合令涎入眼中如此五六次良久乃起用

溫水洗去日日行之則能明目且祛眼中諸疾○固齒法每小

便時閉口咬緊解畢方開水無齒疾至老不落每飯後漱口令
齒淨潔○聰耳法兩手掌掩兩耳以勞二指交搭中指彈擊腦
後二三十聲能聰祛頭眩○摩髮法晨起就以摩面熱手順摩
頭髮如理櫛之狀令髮不白○漱津法每日晨起人之元氣統
聚於口切不可漱水吐去徐徐嚥下古云勝服人參湯湯水用滾漱下
○縮陽秘方水蛭尋起九條入水枕養佳至七月七日取出陰
乾秤有多少入麝香蘼香三味一般細研為末蜜必許為餅
遇陽興時即將必許擦左腳心即時痿縮過日復興再擦凡色
念一起只想其婦女死後屍骸骷髏汚心發嫌惡面色念即
止或想經過之危橋險崖心懷畏懼色念亦止要知保固身命

此為第一○薺菜子一名析實子王青盲不見物明目去
翳障搗為末散服凡眼皆佳根療目冬作羹作蔬常食佳昔者
蔡邕山常喫此菜取根汁點目中治暴赤眼痛礮○造百荷鹽
食鹽不拘多少用生地黄汁拌勻作團以荷葉重重包裹百匝
縛定草索熾柴火燒之真至荷葉燒盡取鹽見之則其怪如石
劈作大片復納炭火中燒紅自冷則鹽色始白研為末晨起以
津染指端蘸鹽揩齒旋吐其汁洗眼六七次則令人齒固目明
○夜起法凡卧起先柏骨者恐暖身驟涼毛孔必閉而成傷風
諸証柏骨三四掌則無此患○斑龍珠丹鹿角霜十斤為末鹿
角膠十兩酒後煮糊菟絲子十兩酒後二宿蒸焙石作末以膠

酒三四升煮糊杵一二升如梧子大食前鹽湯或酒吞下五

六十丸

一方鹿霜膠各八兩薏苡子栝子仁熟苧各八兩白茯苓破古紙各四兩為末煮米糊和丸或以鹿膠入酒化

北成都綠髮道士自云壽三百八十歲貨此於市每歌曰尾閼

不禁滄海竭九轉金丹都說惟有斑龍頂上珠能補玉堂闕

下血其老人化滿白鶴飛去不知所終斑龍即鹿也○煮鹿角膠霜

法勿用白落角取連腦骨者乃殺取也鉅斷一寸長浸長流水三日刷去垢入砂鍋內以清水浸過不露角江水尤佳以桑

葉塞口以桑柴火煮之旋添熱水勿令火歇如是三日候角爛軟酥即止取角晒乾謂之霜其升澄濾取清候凝作片風中吹

乾謂之膠也○鐵液法范若虛疏曰臣以宿疾入山三十餘年夢有

神人來言曰汝病服鐵液則愈問于天下名醫不知問于神僧

達摩曰然此藥凡人所賤聖人所貴五鐵之中水鐵無毒五方

之金東方之金最良遂教服法三七日必愈百日大差臣七十
前無子七十二喪妻娶一妻二妾生四男二女今年百有二十
夜讀細字其法鑄鑄此月生鐵五斤炭上燒令赤鑿碎煅煉
或如栗子大或如棋子大四斤許并華水百度淨洗納于白瓷
缸以并華水一斗浸之堅封勿洩氣勿置溫處勿令婦人近之
春夏三四日秋冬六七日開封後飲一大盞或一日三服任意
而并華水隨出隨添久服補脾胃填骨髓健脚力明目益氣去
酒減口鼻白髮還黑落齒更生聲若金石鬼神皆驚怕無妻妾
者不可服陽盛難制也飲食百無所忌只忌猪肉三年一改鐵

盧慶麟服鐵液踰年精神頓耗
乃死凡欲服此者宜知戒也

種德○司馬溫公曰積金以遺子孫子孫未必能守積書以遺子孫子孫未必能讀不如積陰德于冥冥之中以爲子孫長久之計所謂陰德其猶耳鳴已獨知之人無聞者故累積陰功之家雖無人報而天報甚厚自然有慶無殃門戶興隆子孫榮昌其應如影響故略舉故人已行之蹟而錄焉

楚叔孫敖爲嬰兒出遊而還憂而不食其母問其故泣而對曰今日吾見兩頭蛇恐去死無日矣母曰今蛇安在曰吾聞見兩頭蛇者死恐他人復見已埋之也母曰無憂汝不死吾聞之有陰德者天報以福後果爲楚相

殷仲堪遊於江頭見流棺接而葬焉旬日門前藩忽起爲危其夕

有道士自稱徐伯玄感君之惠仲堪因問門前之鬼何祥對曰
水中有鬼其名爲卅君將任卅言終而沒後果爲荊州刺史
裴晉公質狀畧少相不入貴屢屈名塲頗亦自感會有相工在洛
中公特造之問命相工曰即君形神稍異於人不入相若不至
貴即當餓死今則殊未見貴處可別日垂訪公出遊香山寺徘徊
于廊廡間忽見一素衣婦人致緹褶於僧伽欄楯之上祈祝
良久瞻拜而去少頃度方見緹褶在舊處知其遺忘也又料付
不及遂收取以待至日暮竟不至度挈歸近旅詰旦復携往寺
門始聞覩婦人疾趨而至慙聲惋歎度從而問之曰阿父無罪
被繫假得玉帶一犀帶一直千緡以賂要津不幸失去於此今

老父不測之禍無所逃矣度憮然復細詰其物色因以授之婦人拜泣請留其一度笑而遺之尋詣昔相者相者驚歎曰此必有陰德及物前途萬里非某所知也

唐劉弘敬字元溥資財數百萬有善相人見之曰君財甚豐然更一二年大期將至如何元溥涕泗曰壽夭者天也先生其奈我何相人曰夫相不及德德不及度量君雖不壽而德且厚至於度量尤寬夫一德可以消百災勉而圖之元溥流涕送之乃為身後之計有女將適抵維陽求女奴資行用錢八十萬得四人焉內一人芳蘭孫者有殊色而風骨姿態殊不類賤流元溥詰其情久而乃答曰某代為名家父以卑官淮西不幸遭吳寇因

姓與寇同疑為延屬身為鋒刃家仍沒官以此湮沈無處告訴
骨肉悉被官軍收掠賤妾一身再易其主今及此焉元溥太息
久之因問其親戚知其外氏劉也遂焚其券收為甥以家財五
十萬先其女而嫁之蘭孫既歸元溥夢見一人被青衣秉簡墜
塵而拜迺之潛然曰余蘭孫之父也感君之思何以報之某聞
陰德所以動天地也今君壽限將盡余當為君請于上帝後三
日復夢蘭孫之父立于庭紫衣象簡侍衛甚嚴前謝元溥曰幸
得請君於帝帝許我延君壽二十五載而富及三代因嗚咽再
拜而去元溥未信後三年相者復至迎而賀曰君壽延矣有陰
德上動於天自今後二十五載慶及三代

張忠定公詠嘗夜夢謁紫府真君接話未久吏忽報請到西門黃
兼濟承事兼濟以幅巾而趨真君降階接之禮頗隆盡且接張
公坐承事之下詢顧詳款已有欽歎之意公翌日朝即遣典客
詣西門請黃承事者戒令具常所衣服來比至果如夢中所見
公即以所夢告之問平日有何所陰德蒙真君厚遇如此且居
某之上座耶兼濟云無他長惟每歲遇禾麥熟時以錢三萬緡
收糴至明年禾黍未熟小民艱食之際糴之價直不增什斗亦
無高下在我者初無所損而小民得濟所急公曰此承事所以
坐某之上也今索公裳二吏掖之使端受四拜黃公後裔繁衍
至今在仕路者比比青紫

宋郊祁兄弟北角之年同於黌舍肄業有胡僧見而謂曰小宋他日當魁天下大宋亦不失甲科後十餘年春試罷復遇僧於廬邱僧執大宋手而驚曰公風神頓異昔時若能活數百萬命者大宋笑曰貧儒何力及是僧曰不然峭翹之物皆命也公試思之大宋俛思良久乃笑而言曰旬日前所居堂下有蟻穴而暴雨所浸羣蟻繚繞穴傍吾乃戲編竹為橋以渡之由是蟻命獲全得非此乎僧笑曰是也小宋今歲固當首捷然公不出小宋之下二宋私相語妄也一歲固無兩魁比唱第小宋果中首選章獻太后當朝不可第先兄乃以大宋為第一小宋為第十始信僧言不妄

劉留臺自以極貧專事趨謁歲久鄉人歌之不能自存一日與其
子同往泉州謁親表徐司戶到泉州司戶得罪憲司對移他郡
復徒步歸至漳州市買浴堂拾金一帋浴畢托疾卧堂中終夕
不去翌朝有一人彈泣而至自言為商于外八年不歸只收拾
得金子八十五斤以一帋盛之昨晚醉中與同攜到此浴浴罷
乘月行三十里始覺其金不見公亟舉以還之彼以數斤遺公
公一無所受及還人愈薄之責以拾金不能營生而復來相干
公荅以平生賦分止合如此若掩他人物以為己有必有禍災
身且不保安用物為彼人辛勤所積一旦失去或不得還鄉或
死非其命其害有不可勝言者吾是以還之惟安分以畢餘生

耳未幾父子同膺鄉薦一舉登第官至中京留臺五十年間子孫趾美仕塗者二十有三人

呂僧珍蔡襄相曰鼻高貫頂口大內震當貴奈腦後單薄不相應于口鼻雖有福而少壽修德卑陷重若能長一骨起一星相應福壽無量曰古來童子十六骨成我年已半百焉得骨生襄曰相中雖論十六骨生陰陽變相未定三十歲上四十歲下若能長骨長神必然增祿五十歲左六十歲右若能長骨長血定增福壽珍後從良起兵全活萬民頸痛數次病愈胸骨益大血肉瑩然得氣而壽

懲惡○丹陽令楊開性暴橫果于決責與門下客楊詢寡相得每

事必以訪詢明知其非不敢有所忤意但一切譴歎盛美而已
開一日乘怒盛暑中杖公吏決囚繫者四十餘人二人死詢盛
稱其快後詢夢至一處金紫者譴之曰成楊開之惡者汝也楊
開之罪咎于汝無所逃也不數日果中惡而斃

